



Per e-mail

A las adressatas ed als adressats
tenor la glista da distribuziun

Cuir, ils 30 da matg 2023

**Revisiun parziala da la Lescha davart las scolas autas e la perscrutaziun (LSAP;
DG 427.200)**

Avertura da la procedura da consultaziun

Stimadas dunnas e stimads signurs

Ils svilups currentes en il sectur da las scolas autas e da la perscrutaziun sin plaun chantunal e naziunal dapi che la LSAP è entrada en vigur l'onn 2016, pretendan ussa in'adattaziun parziala da las cundiziuns generalas, per ch'il Grischun haja vinavant las meglras premissas pussaivlas per sa posiziunar er en l'avegnir sco lieu da furnaziun e da perscrutaziun sin plaun naziunal ed internaziunal.

Per che la cumpetitivitad da las scolas autas grischunas vegnia promovida e rinforzada vinavant sin plaun naziunal, ston – areguard il svilup dal portfolio – vegnir transferidas cumpetenzas da decisiun da la Regenza al cussegl da la scola auta. In'abilitad da reagir pli svelt en connex cun il svilup dal portfolio permetta a las scolas autas da s'adattar sistematicamain en curt temp a las novas circumstanças. La repartiziun da las cumpetenzas per manar las scolas autas cun ina incarica da prestaziun e cun in budget global ston perquai vegnir adattadas tant sco pussaivel a las ulteriuras scolas autas svizras.

Pertutgant la dumonda Hardegger dals 29 d'avust 2019 èsi vegni pretendi en la resposta da la Regenza sco er en il Program da la Regenza 2021–2024 (punct central da svilup 3.2), ch'i vegnian stgaffidas las basas giuridicas, per che la SAS dal Grischun possa stabilir in studi da tgira SAS. La LSAP actuala permetta a la SAS dal Grischun da porscher studis dals secturs economia e tecnica. Da stabilir in studi da tgira SAS sin nivel da bachelor e da master pretenda perquai in'adattaziun da las basas giuridicas.

Cun la revisiun parziala da la Lescha davart las scolas autas e la perscrutaziun (LSAP; DG 427.200) qua avant maun duain tsherts puncts da la LSAP vegnir adattads a las cundiziuns generalas midadas, per che las scolas autas ed ils instituts da perscrutaziun en il chantun

Grischun possian sa posiziunar er vinavant sco instituziuns (da perscrutaziun) ch'èn cumpetitivas sin plaun naziunal ed internaziunal.

La Regenza ha incumbensà il Departament d'educaziun, cultura e protecziun da l'ambient (DECA) da realisar la procedura da consultaziun.

Ils documents da consultaziun pudais Vus consultar sin la pagina d'internet dal chantun (www.gr.ch > Rumantsch > Publicaziuns > Consultaziuns > Consultaziuns currentas) u empustar sin palpìri directamain tar il departament (info@ekud.gr.ch u tel. 081 257 27 02).

Nus As envidain d'inoltrar Vossa posiziun fin ils 28 d'avust 2023 per e-mail (info@ekud.gr.ch) al Departament d'educaziun, cultura e protecziun da l'ambient. Las dumondas centralas davart la revisiun parziala pon vegnir respundidas cun il questunari agiuntà.

Per infurmaziuns As stattan gugent a disposiziun dr. Gion Lechmann, manader da l'Uffizi per la furmaziun media-superiura, gion.lechmann@ahb.gr.ch u dr. Sabine Leisinger, manadra da la partiziun Furmaziun terziara e perscrutaziun da l'Uffizi per la furmaziun media-superiura, sabine.leisinger@ahb.gr.ch, tel. 081 257 61 73.

Nus As engraziain per Voss interess e per Vossa cooperaziun.

Salids amicabels

Dr. Jon Domenic Parolini
Cussegliaer guvernativ

Glista da distribuziun:

- Partidas politicas incl. partidas giuvnas
- scola auta spezialisada dal Grischun SASGR
- scola auta da pedagogia dal Grischun SAPGR
- scola auta da teologia Cuir SAT Cuir
- Institut per la perscrutaziun da la cultura grischuna icg
- Observatori fisical-meteorologic Tavau OFMD/WRC
- Institut svizzer per la climatologia alpina e per la medischna Tavau ISP
- Institut svizzer da retschertgas davart allergias ed asma ISRA
- WSL Institut per la perscrutaziun da la naiv e da las lavinas / CERC
- AO Research Institute ARI
- Institut da perscrutaziun svizzer per la medischna da sport, SRISM
- Academia Raetica ACAR
- Scuola universitaria professionale della Svizzera italiana SUPSI

- Thim van der Laan SA THIM
- Scola politecnica federala Turitg SPFT
- Universitad da Turitg
- Center da furmaziun per la sanadad ed ils fatgs socials CSS
- EHL Scola d'hotellaria Passugg SSTH
- Scola spezialisada superiura da turissem dal Grischun, Academia Engiadina
- Scola spezialisada superiura da pedagogia sociala SPS Zizers
- Scola spezialisada superiura da la Svizra Sidorientala ibW
- Uniun grischuna d'artisanadi e mastergn
- Chombra da commerzi ed associaziun dals patruns dal Grischun
- Federaziun grischuna Chasas ed ospitals
- Uniun sindacala dal Grischun
- Associaziun svizra da las tgirunzas e dals tgirunzs ASI, secziun Grischun
- Incumbensà per la protecziun da datas dal chantun Grischun
- Departaments da l'administraziun chantunala
- Chanzlia chantunala
- Controlla da finanzas